



ZEUMERLINGE.

VIEFTIG JAOR
VIA 'T ALTAOR
GOD AON DE MINSE BRINGE
NEET ALLEIN MESSE ZINGE
MER AOG BEIJ VREUG EN LEID
BEIJ ZJUBILEIJS EN TREURIGHEID
KLAOR STAON VEUR EEDEREIN
VEUR AAJD, JOONK, GROET EN KLEIN..
EUZE PESTOER HEET DIT GEDAON
ZIEN EIGE GEDIECHTE BEEJT HEER AON
AON ALLE LUMMELSE MINSE
DIE UM PERFISIA WINSE

MARIA TEN HEMELOPNEMING

Wie 'n mörgeblom vaan dauw bepereld
de klaorheid trökstraolt vaan Gods leech
Zoe sjijnt in eus verdorve wereld
vaan Eur Geziech 't gezegend leech.

Geer wees de mins in duuster iewe
nao Eure Zoon de klaore weeg
Oet, Eur han de gunste snieje
wie bloesems in ut lenteleech.

En veur us zelf, soms deep gezonke,
waort Geer de höllep, altied Géér;
Eur ouge, die wie stare blonke
gaove-n-us rös en vraögde weer.



GRADUS SPRIK:

Noe iech daan gekomme bin
Aon 't einde vaan mie leeve
Daank iech alle luij vaan Lummel
Veur wat geer miech hób gegeeve.

Lommele en aait iezer-klante
Askalonstraot en de kaartvrund
Mien familie, veural Tina..
't Waor allemaol Gradus vrund.

Blijj bin iech, dat iech mog goon
Naor de kerrik vaan Slevrouw
Boe iech mèt mien daank en vraoge
Soondesmorges kaom hiel trouw.

Met de roezekrans in eetwie
Vasgekneepe in mien hand
Naom miech mèt de Sterre der Zee
Veurgood nao 't HIEMELS-Vajerland.

ZOE AF EN TOW,
DINK ENE PESTOER OP WEEG NAO 2000;

JECH VEUL MIECH SJUS E WIERDOOKSVAAT
DAT ZWÈJT

EN DAMP

EN LEKKER GEURT...

MÈ MENNIGEIN NEET HÖBBE KIN
EN HUN GEZIECH WIT-MISSELIK KLEURT!!!




JECH VEUL MIECH SJUS 'N BOTERBLOM
ES KRENSKE

OP E

KINDERKÖPKE

VAN GULD-GEEL BLÖMKES ... MÈ VERWINS
DOOR AANDERE MÈT DONKROED-SÖPKES!!!



JECH VEUL MIECH SJUS ENE SJOTELSPLAK,
DEE AL DIE

VIJS-EN

VETTIGE TELEURE

NAO 'T LEKKER EETE WEER MÔT GEEVE
DE AWWERWETSE MOSA-KLEURE!!!





Keersnach

Boevuur zeet geer gekoome, ge-
koome nao deës eerd.

Och waore veer met al us zun,
met al us zun dat toch nog weerd!

Gevalle waorde mins, mè God,
God zellef dee heel ze woord;
en Keersnuch kaom toen nao de mins,
't Mins-gewoore-Woord.

Slevrouw, Geer gaof dat Keend aon us,
aon us, och maäk toch, dat veer altijd
trouw, Trouw mage blieve aon eur Keend
Aon eur Keend en Uuch Slevrouw.

'n AONDINKE AON GRADUS COOLEN

Geradus Coolen is geboore
in de aw Sint Theunisstraot,
Boe dat hoeshawwe door den oorlog
Midden in den erremooi zaot!

Mansluij stoonten aon den oove
Vaan de Sphinx 't groet febrik,
Lommele en ouch aait-iezer
Sleipde vrôluij nao h'n petik.

Veer jaor laank heet Gradus ouch
't Zwoer werrik in 't febrik gedoon
Tot 'n zwoer kis ziene rôk trof...dit
Werrik waor noe veur hôm gedoon.

Noe trok Gradus mèt ze keerke
Euveral vaan hoes nao hoes
Pakte alles wat mer weerde had
Alles zoe mer veur de voes.

't Kleinste keend brach uuch bei Gradus;
Bekind waor heer door gaans Mestreech
Alles brach heer daan nao Raike
Boe heer daan z'n centsjes kreeg.

Toen heer ein en daartig jaor waor
Trok heer nao de Askalonstraot,
Veur dat jonk gezin vaan Chris en Tina
Mèt tehelpe in weurd en daod.

'r Heet miech dao get aofgekaart met
Juupke, Tei en ouch de Belsj,
Boete in de stal, umdat ze
Binne waore get rebelsj.

Méh nao drei en daartig jaor
Kaom de rôkkwaol weer te steke
't Waor helaas neet mie te doen.
Gradus môs nao aander streke.

Iers gong heer nog aofsjeid numme
Vaan pestoer en vaan Sint Jaan
Boe heer zoevôl lange jaore
Had gebeijd es Christenmaan.

SLEVROUW!!

Hijj achter in de kerrek
Hijj blief iech eeve stoon:
Hijj zeen iech hiel vâöl lui
Get beije en weer goon..!!

Veur alles, wat iech mètmaak
Bin iech erg te beklaoge:
Geer snap noe wel, dat iech
Weer hiel get hõb te vraoge.

Meh es iech stèllekes nao uuch kiek
Daan veul iech miech gewis
Mèt al dat vraoge en dat klaoge
Nen hiele groete egõis..!!

Dat iech bin mage koomme
Al daoveur bin iech blijj
Geer wèt neet wie gelökkig iech
Miech veul noe...bei Uuch hijj.

Wat deit e keend niks liever
Es dèks nao Häör te goon:
Nao Häör die es 'n echte ma
God wèt wat heet gedaon!!

Wat weurd 't leve aandere
Bezeen door eure brêl
'ch prebeer wiet Geer te zègge:
Neet miene - mer eure wêl.

Nog eve tied veur e weesgegroet,
En veur e keerske aon te steke
Dat zien veer zoe geweend es keend
En koomme trök euver twie weke.

Noe gaon iech weer nao hoes.
Bedaank zeet Geer Slevrouw:
Geef dat iech in mie leve
Uuch altied blieve trouw.

KEERSEMÈS

ANNO 1982

BOESJIES

LEMPKES

GREUN

KEERSSTOKSKES

HUISTEKSKES

LEKKER EETE

KNIENN.... OF ZAL

'T KALKOEN WÖRRE?

GEVULENS VAAN

VREI, VROG VAAN

GOOD DOEN

EN LEUK ZIEN

DEN EINE VEUR DEN AANDERE

EN... ÈNE EXTRA

DUIT VEUR DE COLLECTE



KEERSEMÈS

ANNO NUL

E KEEND

IN 'N KRUB

ÈNE VOORBAK VEUR DE BIESTE

IN BETLEHEM D. i. "

"HOES VAAN BROED".....

NATUURLIJK

IN ÈNE VOORBAK

WANT DE LEEFDE

VAAN DIT KEEND

IS ZOE GROET

DAT 'T ZICHZELF

ZAL GEEVE

ES EETE.... ES BROED

VEUR 'T LEEVE

VAAN DE WERELD. (B.K.)

SINT-JAN'S-SACRAMENTS-PROCESSIE



JAO, MÈT SINT JAAN OP KÈRMIS ZOONDIG
DAAN TRÈK GEER MÈT US MÈT DOOR LUMMEL:
NUIJSJIERIG AONGEGAAP DOOR GROETE LUI,
EN DOOR DE KLEINSTEN HUMMEL.

WAT DOOT GEER TOCH OP STRAOT, HIER?
GEER MOOT TOCH IN DE KERREK ZIEN!
DAO HUURT GEER TOES, WIE V'R ALLEMAOL WETE
VERBORGE IN DE VÖRM VAAN BROED EN WIEN

GELIEK HÖB GEER MÈ EINE KIER PER JAOR
KOM JECH VANDET DE KERREK, BEI LUUCH OP
BEI LUUCH OP STRAOT:
UM LUUCH TE LAOTE BLIEKE:
DAT JECH OP STRAOT LUUCH NEET VERLAOT.

JECH KOM NAO LUUCH... KOMT GEER NAO MIECH,
EN KOM DAAN HOOLE IN DE KERREK:
DE MOOD UM KRISTEN-MINS TE ZIEN
JN HOES, OP STRAOT EN OP 'T WERREK.

't IS GEAORD IN KANA

Dat 'nen trouw
bijnao woord 'n vreiselikke rouw:
Broelof zoonder wien, dat
gief sjagrijn
En Slevrouw allein, die
Zaog de pijn
Water woord noe wien door
Slivvenier:
En dat waor 't ierste woonder
Vaan den Hier!!!..

Onder 't kruus vaan Jesus

Stoond Slevrouw
Weggeloupe waore 'ns vääł
Zij bleef trouw
Slivvenier voolt ziech verlaote
En allein..
Eedre mins veult dat es
d'ergste pijn
Aofgenoome vaan 't Kruus
Nao z'nen deed,
Lag m'n Häöm veurziechtig in
Häöre sjoet.

Slivvenier waor weg, z'n vrun die
Waore bang
En zijj mèr wachte op den heiligen
Geis, hiel lang.
Mè Slevrouw waor bijj hun,
Gaof hun mood:...
Pinkstere kaom, dat brach gelouf en
vräög veurgood....
Ouch veur us en uzze tied
Blijf zijj trouw....
Want:
Euveral boe noed is
Is Slevrouw.

'n AONDINKE AON TINA MOMMERS

Gebore, getoge en
altied geleef en
gewerrek in Lummel.

Daankbaar bin iech veur 't leve
Dat iech lijje móg op eerd:
't Waor vol zörreg en hiel hël werreke
Méh 't waor de meujte weerd.

Daankbaar veur de krach en sterrekde
Die iech vont bijj uuch Slevrouw:
Die iech hiel mie lange leve
Altied aonreep en bleef trouw.

Beste lui vaan mien aajd Lummel
Dèks kaom iech bijj uuch aon hoës:
Noe hób iech mien rós gevónde:
In 't veurpertaol vaan 't Vajerhoës.

WIEL HONEE

De höbs in die leeve
Väöl kruiskes gedraage
Es leefde en leid
Déks op kaome daage.

Méh ei kruus dat hóbste
Vol leevde gepak,
En noets vaan diech aof op
de grond neergekwak.

't Kruus vaan de processie
En plechtige liekdeens,
Dat droogste zoe fier hijj
Es uuting vaan Godsdeens!!

En was te besjouwd höbs
Es hiel groete ier,
Dat höbs te gedoon noe:
De allerleste kier.

Dat zelfde kruus jao,
Dat heet diech gebrach
Naoden Hiemel hieboove
Hiel, hiel onverwach.

Veer blieve noe achter
Mét us eige kruus:
Och help us te draage
Dat hiel zwoer verluus.

Leef iewig gelökkig
Bei God en Slevrouw:
Dieste altied gebleeve
waors dankbaar en trouw.

MARIA TEN HEMELOPNEMING

Wat ech en zuver is
Kin neet bederreve
Daorum mos Geer vanzelf
Dn Hiemel goon be-erreve.

Toen Geer hei op de wereld kwaom
Waar alles bei Uuch aof en gaaf;
Geer hêlt dat zoe, Geer wêrrekde met
En kinde dus gei graaf.


Mè veer, veer stoon 'r aandere veur!
Veul goods stik in us hart,
Mè toch is us natuur
Altied onröstig en verward.

Veer zien ene gaanse mins, wel
vol blôtse en vol deuke
D'n ingel trek nao rechts, mè
De duvel blijf ouch steuke.

Veer goon daoveur nao Uuch;
Verleech es Ster op zie, us in de nach
En bring us in de Hiemel
Boe Slivvenier ouch us verwach.



SINT-JANS - SACRAMENTS-PROCESSIE.



EINE KIER PER JAOR
TRÈK GEER MÈT US MÈT
DAAN IS HEI PROCESSIE,
WIE EEDEREIN WEL WÈT.

ALLES IS VERSEERD
MÈT VLAGGE EN MET BLOMME
EN TÖSSEN 'T ZINGEN DOOR
HUURT ME DE DIKKE TROM-
ME.

SLIVVENIER, DEE WEURT
GEDRAAG
JN US PRACHTIGE MONSTRANS
EN TREK ZOE DOOR US STRAOTE
JN GOUWE ZONNEGLANS.

HEER KUMP ZÈGGE: JECH BLÏF BEI UUCH :
JN DE KERREK, MER OUCH OP STRAOT :
ES GEER UUCH OP MIECH VERLAOT : WÈT GEER
DAT JECH UUCH NOETS VERLAOT.

22-6-1986

VIEF EN TWINTIG JAAR IN LUMMEL
BRINK VANZELF DE VRAAG NAO VEURE
VEULT 'NE MINS ZIECH GANS KONTENT.... BEI
ALLES WAT 'R ZAOG GEBEURE ???

WAT 'T MIESTE OPVÈLT: .. IS
VREUGER ZAOG STE NAO DE KERREK GOON:
GROET EN KLEIN.... ZOEVEUL DAT IN DE
LATE MÈSSE MENNIGEIN MÔS STOOD!!!

NAO 'T DUIPSEL EN DE KEMUNIE
VEURBEREID EN GOOD GEVIËRD,
HÖBBE BÏNAO ALLE KEENDER DE
GAANK NAO KERREK VEURGOOD VERLIËRD!!!

LAOT DE KLEINE TOT MIECH KODME
ZAG TOCH DUUDLIK SLIVVENIER... EN
TUSSE ALLE GROETE LUI IN
GROF HEER 'T KEEND DE GROETSTE IER!!

JS DE MINS SJUS NEET GEBOORE
VEUR 'T GELÖK DAT IEUWIG DOORT?
HEET GOD ZELLEVERS NEET GEZAG.... GEER
ALLEN ZEET VAAN E GODDELIK SOORT!!

'T LEEVE HEI IS ZOE PLEZEERIG!!
DRÖK EN LEUK VAAN KWALITEIT!
SPORT, TEEVEE.... VEKANSIE.... WEE
HEET NOG TIED VEUR D'IEUWIGHEID?

ZONDER BROED EN SPEULE IS
'T LEEVE NIKS OP EERD.... MÈ
JS DAT AL.... DAAN IS
'T LEEVE NEET VÖL WEERD.

ES IECH NOE 'NE GOOIE RAAD MAAG
GEEVE.... JAD AON EEDEREIN :
HAWT IN IERE WATEUR AWWERS
BEREIK HÖBBE MÈT HIEL VEUL PIJN!!

KRAANKE EN BEJAORDEN BEIDT EN
GEEF E VEURBEELD AON DE JEUG
IN GOOJIGHEID EN MÈT LEEVE... MÈT
EEDEREIN IN LEID EN VREUG !!

JONGELUI ... GADT GAARF EN IERLIK
DOOR 'T LEEVE, FRIS EN STERREK
ZET UUCH IN VEUR KERREK EN STAOT, NAO
SPORT EN SPEUL EN DAAGLIKS WERREK.

DAANK AON SLIVVENIER, SLEVROUW, SINT JAAN,
EN OUCH NOG SINT SERVAOS :
DAT IECH WERREKE MOG IN LUMMEL
TÖSSE KANJEL EN DE MAOS.

DAANK UUCH VEUR GEBED, WAARDERING
HÖLLEP, EN ALLES WAT VEER SAAMEN.
VIEF EN TWINTIG JADRE LAANK,
VEUR US LUMMEL DEEGE,
AMEN !!


MIENE NAOM STEIT GESJREEVE
JN DE PALM VAAN EUR HAND..!!
MÈH WIE DEKS VEEGDE IECH DEE WEG.
MÈT MIEN EIGESTE HAND..!
EN IECH DACH BEI MIECH ZEIVE
WAT BIS TE TOCH BEI DE HAND..!!
... TOT IECH INZAG NAO JADRE
DE STIKS DE KOP IN 'T ZAND...



SLIVVENIER.....ES IECH DOETRAON ;
LAOT MIECH VALLE VEURGODD
JN DE PALM VAAN EUR HAND..!



Dao waar d'r ins e kinneke
Dat heel vööl vaan e hinneke,
Mè bang waar veur e spinneke.



'Dat zaog 't zörgzaam spinneke,
En spon vanoet e pinneke, e
Dräötsje...iers nao 't kinneke
Vaandao noe nao 't hinneke.

En langs deen draod vaan 't
spinneke;
Slebrigke noe 't kinneke,
Mèt vööl plezeer nao't hinneke

Noe waar dat sjattig kinneke,
En ouch dat wit-zwart hinneke,
Doordeen draod vaan't spinneke
Content en blij vaan zinneke!



(Naojaor 1989)

SINT-JANS-SACRAMENTS-PROCESSIE

Jao, mèt Sint Jaan op Kèrmis-zoondig
Daan trèk Geer mèt us mèt door Lummel:
Nuijsjierig aongegaap door groete Lui,
en door de kleinsten hummel.

Wat dood Geer toch op straot Hier?
Geer moot toch in de Kèrrek zien!
Dao huurt Geer toes, wie v'r allemaol weete:
Verborrege in de vörrem vaan broed en wien!

Geliek hõb geer... mè eine kier per jaor
Kom iech vaanoet de Kèrrek, bei uuch op straot
Veur uuch te laote blieke
Dat iech op straot uuch neet verlaot!!

Iech kom nao uuch...komt geer nao miech.
En kom daan hoole in de Kèrrek
De mood um Kristen-mins te zien
In hoes, op straot en op 't werrek.

CARNAVAL

't Leeve is e Traonedal
Den eine lig in Annadal
Den twiede zit in Vijverdal,
e Kruiske vins te euveral;
Mèh is 't einmaol Carnaval
Vergit me geer dat al.

Dan heet me gein sjagrijn,
Of heet me nõrgens pijn,
Rech steit me op zen bein,
En springt met groet en klein
Al vruis 't wie de stein;
Das hiel goot veur de lijn.

Noe goeit uuch mer dedoor
Met erretesop en poor
'e glaas beer de tössedoor
Tot s'nachts om twellef oor
De vastelaovend door:
Mèh hawt 't rechte spoor.



CARNEVAL



Carneval.

Maak drei daag veel lol en plezeer,
mè luuster noe good: neet allein met beer!

Dink ooch 'ns ooh wne kraanke mins

Deeste toes of in usse klenieke vins.

Veeq daonao de zweet weg vaan die geziech, en dink daonao
ooh de stub vaan 'Assele goonsdicht.

J.F.

VEKANSIE !!

ES GEER MÈT VEKANSIE GAOT,
DINK DAAN OUCH AON HOOND OF KAT
DEE VEUR LUCH VEUR D'REST VAAN
BLIEKBAAR WAOR: 'T JAOR
LIMME GROETE

SJAT.
DINK 'NS ADN DE RECHTERBUURMAAN,
DEE VERGEIT VAAN D'RUMMETIK
OF DAT VRIJKE: EIN DEUR WEIJERS
SUKKLEND MÈT DE RIKKETIK
SJIK 'N KAART OF NUM GET MÈT BRING 'E BITTEKE VRÖG EN LEECH
BEI DE KRAANKE EN BEDREUFDE,

OP HUNNE LESTIGE LEVENSWEEG.

PELGRIMS ZIEN VEUR OP DEES WEEELD:

BEI GET KINDER: KOM GOOD TOES,
VEUR INS TE MAAGE ARRIVEERE
MET Z'N AL IN 'T VAIERSHDES!!



VEKANSIE ... OF NEET !!

NOE VÄÖL LUI MËT VEKANSIE ZIEN :
GEEF DIE NOE : SLIVVENIER DE ZEEGE,
DEN EINE BÖF MËT ZONNIG WEER,
DEN AANDERE EUVERVELT DE REEGE!



DAD ZIEN 'RS OUCH DIE GAAR NEET GOON.
DIE ZËGKE : NORGES BETER ES TOES!
HIER ; ZEGEN AL DIE TOESBLIEVERS :
CONTENT IN HUN GEZELLIG HOES !!

HIER : ZEGEN ALLE KRANKE LUI,
EN ALLE DIE NEET KINNE GOON.....

OCH GEEF HUN ALLEMAOL MIER MOOD.
EN KOM GET KORTER BEI HUN STON



AUGUSTUS 1989.

't KRIBKE

Op kauwe wintermurge, dee kaom nao bange nach
is 't kribbeke vol zurge, vuer 't kinneke lang
verwach
en hiemels meziek maak 't moojerke riek
is 't in 't stelke oug errem
want ingelezaank brink hiemelse klaank
en deit 't zoe sjoen zien en werrem.

Slevruike zit te kieke nao 't wiechske op 're
sjoet
en veult ziech ao zoe rieke, al is in de stal
vaol noed
want werelse prach, is nog neet dao gebrach
me al is oug 't mojerke errem
toch wet ze haor keend, al is 't beter geweend
te dekke, ermeuijtig, me werrem.

Sint Jozep zit te beije, en kiek op 't kinneke
neer
dat heij zoevaol moot leije, me brink de vreij
us weer
en herderkes zien in sjeem'rige sjien
vaan e keerske, klei Jezuke errem
dat lach hun noe tow, en dat maak selvrouw
't moojerke, 't hart toch zoe werrem.

DE BALLADE VAN PIEKE DE FOETBALLER!!

Dao waor 'ns e jungske
En dee foetbalde geere
En z'n awwers die vónten
Dat alletwie good!

Heer ging nao de Trainer
Vaan de club vaan z'n vrungsjes,
En dee zag toen: "Jao Pieke,
Dat vin Iech hiel good".

Heer sprong toen vaan blijdsjap
Ene meter de loch in,
Want 't woord vaan den Trainer,
Dat klonk hóm zoe good.

Noe gaw nao de winkel,
En z'n ma die betaolde:
De sjeun en de kleijer
En dat stônd hòm zoe good.

Z'ne pa dee kaom kieke
Es z'n ma hòm gebrach haw
Op zaoterdagmôrrige
En wat waor dat toch good.

Ze hadde nao maonden
Genôg noe getraind en
Den trainer waor ouch blijj
Want ze foetbalden good!!

Het fies waor gekômme
't Waor hartstikke drök
Van de pappaas en mammaas
En dat gaof vól mood.

Zek jonges: tot vriedag
Zoe zag noe den trainer:
Dat eist de kondiesie
En ze vónten dat good.

Me Pieke dee kaom neet.
Want geine, dee brach hòm:
Noch pappa noch mamma
En dat vóond heer niks good.

En Pieke begreep neet,
Dat ze hòm neet mie brachte:
Noe 't fies ens veurbei waor:
En dat zoot hòm neet good.

Môs iech daoveur noe maonde
Veur 't fies alsmèr traine
Um 't EIN kier te viere:
Dat voolt heer niks good!

Op de hook vaan e sträötsje
Kom 'r teege de trainer
En heer keekde vaan blijdsjap
Dat gaof weer get mood!

Mè jungske wat kritste
En hōbste verdreet!
Och trainer, bei us toes
Zit 't gaar neet mie good!

Iech kaom toch zoe geere
Nao 't fies mèt den trainer
Mè 't fies is veurbei
Veur èns en veurgood.

Zek Pieke...dat zag noe den trainer
't Wonder is de wereld neet oet...
En blief veur den awwers mer beije...
En Pieke...kreeg noe weer vōl mood!!!

Opgedragen aon alle kemuniekinder en hun awwers.
PINKSTEREN 1988

BEI 't AOFSCHEID VAN BAHR KORKAR...

Ze waor hei gekoomme
Vaan hiel wiet eweg:
Oet 't land vaan Turkije;
En noe zien veer hei saame um
In de kerk vaan Sint Jaan
'n ougenblik veur haor te beije.

Ze waor op vekansie
Met hiel haor femielie
Nao 't land vaan Turkije
En 't is gebäörd onderweeg:
Dat ongelök en dee smak
En al dat vreiselik lijje.

Ze kump neet mie trök:
Ze zien halverweege gestorreve.
Ze waore met drijje
Waor Korkar, vaan us de vriendin
Dat kaom oet Turkije.

Veer misse häör erreg
Ze waor leef en begaofd:
Dat keend oet Turkije:
Veur häör en de ganse femielie
Zien veer noe hijj
Um veur allen te beije.

Pie Hoofs .


DE VOETBAL EN PIE :
DAT WAAREN 'RS TWIE.
DIE HUURDEN BIEJEIN
OP 'T VOETBAL-TERREIN.

'R HEEL ZIECH DE BAAS,
JN KANTIEN EN OP 'T GRAAS;
MEH ZÖRRIGDE PERFECT
EN DEEG ALLES CORREKT

VEER MISSEN DIECH PIE,
EN WEETE NEET WIE
VEER DIECH GOON BEDANKE
JN V.C.L. - KLANKE.

DAT GOD DIECH NOE GEEVE
'T HIEMELSE LEEVE :
JN JEWIGHEID: AMEN :
DADVEUR BEIJE VEERSAAMEN.

10-8-'89.



'n AONDINKE AON HUBERTUS VOLDERS

Op 't fies vaan Sint Franciscus
Heer waar bijnao tachtig jaor.
Is heer vaan us weggegaange
Nao den Hiemel... heer waar klaor.

Gaank miech de pestoer 'ns hole
Dat waar ziene lètste wins:
En vol euvergaof ontving heer
Sakermint vaan 'n kraanke mins.

Daankbaar zien veer veur zien leefde
Veur zien zörrig en veur zien trouw
Die veer mochte ondervinde
zien zes keender en zien vrouw.

Streng waos heer... mèh toch gezellig
Maakte heer ' awwershoes:
Kaarte, späölsekes en fieste
Deeg heer mèt us altied toes.

Noets geklaog en noets gevlook
Waar gelökkig en content
Zörregde veur z'n vrouw en keender
Veur us hoeshawwe en de cent.

Leefde en respect heet heer, al-
tied gehad veur blom en plant.
Die dan later woord gesjèldeerd
Blijj en mèt deskundige hand.

Kuns bekieke...dreuver leze
Stond bijj häöm hoeg aongesjreeve:
De Mestreechse Academie
Had häöm hiel vâöl sjoens gegeve.

Ein vaan zien kleinkinder lag
Daankbaar noe de maot vaan 't Kruus
Hiel veurzichtig in z'n han
Kinderlijk, zonder gedruus.

Oma, mammaas en pappaas
Luustert noe, onhaajt dit good:
Dat zal uuch veur 't gaanse leve
Altied geve krach en mood!

Krenkdes, lijje, angs en doedgoon
Höbbe neet 't lêste woord...!
Nao de KRUSWEEG kump de HIEMEL
Dee veur uuch ouch IEWIG doort.

DE KETEL IS VERSLETE

DE KETEL GIEF 'T OP :

NAD TWINTIG JAORE BRANNE)

Lik NOE DE KETEL STOP !!!

UM NOE GEIN KAW TE LIJE

BY AWWERS EN BEI KINDER

MÒT NOE DE KETEL KÔMME

'N TIEDSJE VEUR DE WINTER

SJRIK NEET.... ACH DOEZEND GÖLDE

EN DAAN KUMP NOB DE GAAS.....

MÈ DAAN ZIEN V'R OUCH DE WINTER

EN 'D ERGSTE KAW DE BAAS !!!!


VEER GOON MER WIER GET GEEVE ,

AL ZIEN V'R OUCH SOMS MEUIJ !!!

D'R IS NIKS ZOE SLECH VEUR 'NE

LUMMELBER ES BEIJE MÈT KAW VEUIJ !!!

~ 15-7-'88



SLEVROUW... T'IS OKTOBERMAAND :

DE MAOND VAAN UZZE ROZEKRANS!
.. DEN HERFS HEET INGEZAT EN DE NATUUR
LEET ZIEN HÖRE LEBTE GLANS !!

'T WURD DUUSTER LANGZAAM UM US HEEN
MÈN DUUSTER OUCH SOMS IN US HART :
DAT ALLES MÈR VERWÈRRIKE MOOT
VAAN KOET EN GOOD EN WIT EN ZWART !!

SLEVROUW... GEEF US DE KRACH VAAN SLIVVENIER
TE GOON DE SJUSTE WEEG....
UM ANDEREN MÈT VROG TE BRINGE
GET WERMTE, LEEVDE, ZON EN LEECH !!

DAORUM :

AON EUR HAND DOOR 'T LEEVE GOON
EN MÈT DE ROZEKRANS IN DE HAND
DAT DOEN V'R IN D'OKTOBERMAOND
OP WEEG NAO 'T HIEMELS VRAJERLAND !!

v. 8-8-'88.



HUMOR EN LACHE is de BESTE VEKANSIE!!
DAANKBAAR!

"HELLED 'N HENSJE, HIER
VRDOOG 'NE BOER BELEEF,
WIE MÛT 'NEN EEZEL
HEER MER AON 'T

"PESTOER"!
VEUR ZIEN KAAR,
SUKKELE BLEEF

EN DE
REID
DUIDE
OUCH
DEEN STIG
DE BOER

PESTOER
OET AL
HEET VEUR
HEID
HÄÖM IË

direk ge-
ZIEN MACH,
ZIEN GE-
DAANK GEZAG

"ZOE EINE 'T is niks gedoon PESTOER"!
GELWIF MIECH VRIJ.

OUCH NUM IECH VEURTAON, ZJUS WIE NOE,
'NEN TWIEDEN EEZEL DERBY.



PUER NATUS EST NOBIS.
EEN KIND IS ONS GEBOREN

't Is nach, hiel duuster, niks beweeg...
dao sjut obhins de loch vól leech
en doezend ingele álgeliek
zinge d'n hiemel vol meziek.

Die zinge bove Betlems stal:
"Aon God de glorie boven al,
de luij vaan gooje wèl, de vreijs";
alwee gelök zeuk, vindt 't heijs.

En in dat stelke buig Slevrouw
vol leefde ziech nao 't Kinneke tow;
Sint Joesep kiék mer; heer steit stel
te dinke aon Gods wondre wèl.

Dao praot get boete in de nach
en klop get op de deur; en zach
koume drei herders, ein veur ein,
't stelke in...stèl...achter...ein...

Ze kneeje in hun sjaopevach
en eerder heet get mètgebrach:
d'n ierste dreug 'n hierlik broed
en lék dat op Slevrouw 're sjoet.

D'n twiede, toen e lemke gaof,
-dee kwaom vaan örgens, hiel wied aof-
d'n derde heet z'n sjaopevach
op de veutsjes vaan 't Keend gelag.

Daan goon ze weer, en, ein veur ein,
veure hun weeg hun wied vanein;
mèh wat ze zaoge in die nach,
heet hun veurgood 't gelök gebrach.

Ao, es veer wie die herders zien,
vol leefde, zonder valse sjien,
daan vinde veer dezelfde pries
e stökske hiemels paradies.

't KORFKE MET DE NEUT...!!

Jonatan den sjaopsherder
Waor get giftig en bedreuf;
Umdat, toen Jesus waor gebore..
Bruno, zienen herdershoond
Neet moch op visite koome!!

Alle sjäöpkes waore welkom:
Bij de sjaopkes huurt den hoond!!
Dus ging Jonatan nao Bruno:
Jong...veer goon en zölle zegke:
Ongenuud is noe ouch hijj.

Eerderein dee numt get mét
Es 'r geit op kraomfeziet.
Wètste wat veer mét goon numme:
E kôrrefke.. gaans gevöld mét neut
Vaan deen dikke neuteboum..

En ze leepe mét z'n twieje
Bruno rinklend mét zien belkes,
Jonatan vlak achter häöm
Leech genóg um good te zien - dao
Hadden d'ingele veur gezörrig
En ze waore zoe bij 't kribke.

In de voorbak vaan de bieste
Rouw gemaak vaan neutehout
Laog 't keend--de kleine Jesus en ...dee
Keek zoe blijj nao mins en deer
Bruno lag noe z'ne poet
Hiel veurzichtig op de krib.

Goje daag uuch allemaol en
Hertelik perficia en dit veural
Aon Slevrouw en dao Sint Joesep
Ouch oet naom vaan Bruno hijj...
En...iech hób gét métgebrach
Kiek ins hijj nao deeze kórref
Gaans gevöld is dee mét neut...
Is dat alles zult geer zegke?
Neut, neut en aandere niks,
Luustert good nao wat iech zégk noe...!!

Speul d'r eers mét es klein keend
Kinsheid is zoe gaw veurbijj,
Eet devaan, bewaor de mieste.
Es te later groet bis, zulste
vääöl vaan dees neut mote krake
Door us onbegrip en ónwél...!!

Ein neut mós te legke in de grond
Tot die opgreujt es ene boum
Mé noe.. noe kumt get vreisliks... aon
dee boum weurste later opgehaange...!!

Foj, foj, Jonatan, wee zeet noe zoeget:
Droet, droet mét tiech, diech batteraof!!
Ho, zag Joesep..eve wachte..

En Maria zag... de jong heet geliek
Kruus en krib zien vaan 't zelfde hout...!!
Dat is noe de pries dee Heer betaolt
Mét zie leeve en zie blood...veur us.

Nao dees weurd zweeg eederein:
Want Slevrouw wis mie es zij
Mé bewaorde het in häör hart.
Speulenteere naome Jonatan en
Blaffende Bruno saame aofsjeid
Daankbaar gónge ze blijj nao hoes.

Kerrek Belans 1986

Us Kerrek is wie 'n brök
Die pas good is, es ze rös
Op drei steeviege pijlers
En dat zien veur us Kerrek:

- Gezinsbijdrage
- Collectes en
- Messe.



Js 't kaait in de winter
En reegent 't boete :
Oek ... laot us neet stoon
In de kaw of de roek .

Doot met alle maal
Dan maake veer get sjpers
Vaak de Kerrek vaak dummel :
Boe eederein vaan hieft .
Daaank Uuch .

NAD DEN HEILGEN DUIP!

NOE 'T KINNEKE PLECHTIG IS GEDUIP,
NOE WINSE VEERDE PA EN MA,
DE PETER EN DE METER DUCH;
EN EEDEREIN PERFISIA !!!



'T KEEND KRYG NOE ES SOEVENIER
'N DORKONDE VAAN CHRISTUS TROUW
EN 'N MEDAALJE, KLEIN MÈ FIEN
ES DAANKBAAR KEEND VAAN US SLEVROUW!

PAPA KREEG AONGEREIK DE DUIPKEERS
HEER DROOG DIE TROTS MÈT GROETE IER!!
EN ZAL ZE NAD 'E JAAR VOL ZORG EN LEEFDE
WEER LAOTE BRANNE VEUR SLIVVENIER!!



MAMA.... DIE HEET NOG NIKS GEKREEGE !!
STEIT DIE DAAN SOMS MÈR IN NEN HOOK ??
MAMA DIE KRYG NAD AAIT GEBRUIK
'NEN HIELE LEKKERE PEEPERKOOK !!

JULI 1988.

SAAMESPRAK VAN E
KEMUNIEKEND MÛT SLIVVENIER. .

SLIVVENIER: WAT BIN JECH BLÿ
NOE VEER HEI, FLECHTIECH OP'N REI
ROOND'T ALTAOR SAAME ZIEN.

JERS WAOR HBI GET BROED EN WIEN...

EN WAT GEINE HAD GEDACH :
"DAT BIN JECH: HÖB GEER GEZAG.
NOETS MIE ZEET GEER NOE ALLEIN :
ZÛK 'NS VIND GEER DAT NEET FÿN ?

BEID MER DAGLIKS VEUR PAPA .
LUUSTERT NAO EUR LEEF MAMA :
ZEET NOE GOOD VEUR EEDRE MINS
KOM HEI DÛKS: DAT IS M'NE WINS.



SLIVVENIER EN OUCH SLEVROUW
BLÿF JECH HIEL ME LEEVE TROUW!
DAANKBAAR GOOD VEER NOE
NAO HOES.
VIEREN'T FIES GEZELLIG THOES

1988.

Advent.....Heer is opkoms !!



. Es iech door de week nao sjaol gaan
's Morgens vreug, kerteer veur neege
Korn iech altied bei de sjaoldeur
Hiel get maa's met kinder teege.

't Keent weurt netjes aofgelievard:
Haw diech braaf en lier mer good;
Mukes weurden oetgewisseld!
Das gezellig en't gief weer mood!

Och zeg dames : zou dat goon ?
Es geer zaet op weeg nao hoos
Dat geer eeve in de kerck komt beije
Donderdags : boe Heer is t'hoos !

Moe veer stoon zoe vlak veur Keersemes :
Beit 'ns met Slevrouw dao achter ,
Die haör keend met zörrigen leefde
Meh ouch beijenbeer verwachte ?

Dreikeuninge

Zegk 'ns mi'n leef Dreikeuninge
Hat Geer geine zin,
Um direk nao hoese te goon,
toen Geer deen ermoot zaog?


Wat mót eur gelouf toch
groet en simpel zien gewees :
toen Geer in dat minsekeend
Eure God en Keuning zaog!!!

Och gef miech get vaan Eur gelouf
- 't is soms zoe lestig veur miech,
um aoch in dat minsekeend
ene Godmins en ene Keuning
te zien



NAO VASTELAOVEND

Es carnaval veurbijj is
op Vastelaovend laat,
Es alle maskers valle
vaan neuchter en vaan zaat,
Es alle bäärze leeg zien
vaan hónger en vaan doors,
Es mennige kop noe roet is
vaan d'opgeloupe koors,
Es al de lol heet plaots gemaak
veur eine fikse kaater.....
Dan huurt me, es me wakker weurt
dee goonsdagmiddag later,
De toene vaan de kerrekklok sloon
iers wied e-weg, daan zach, daan helder,
Iech vraog miech aof boeveur of tie
zoe béjjere euver stad en velder?
Zoe midde in de week
dao is toch gaar gein broet,
En iech heb neet gehuurd
dao is toch geine doed?
't Gezetsje weurt gezeuk
gesnap en ingekeeke,
ASWOENSDAG zeen iech stoon:
Kóm noe en haol 't teike
vaan sterrefeliekheid en doed,
Iech aot miech nen hiering, stónt toen op
gong nao de kerrek en kreeg e kruiske,
Vaan AS op miene kop
Memento homo, stöp, veer zien neet vól,
mè ins vèlt u'ne groete ier
Ten deil, dat heet us touwgezag,
uzze groetere Broor, Slivvenier.



SLEVROUW EN OKTOBER
DIE HURE BIEJEIN,
IN DE ROEZEKRANS MAOND.
NOE GOON VEER WEER BIJE
VEUR 'T JAOR VAAN SLEVROUW.
VEUR DE KERREK EN DE STAOT
VEUR GEZONNE EN KRAANKE
EN LUI ZOONDER WERREK.

SLEVROUW: STAOT US BEIJ
VEUR E LEEVE TE LEYE
VOL BLÿDSJAPEN MOOD
OP WEEG NAO DEN HIEMEL
NAO LUUCH EN EUR KEEND.

'n MESTREECHSE OP VISITE BEI SLEVROUW

Och Slevrouw, hijj bin iech weer...
'ch had iers neet wèlle kómme:
't Waor erg drok gewees vandaog:
De striek en 'e präötsje met de buurvrouw
Die eur hart 'ns eeve löchte wouw.
Geer snap dat wèl, beter es te mansluij:
Die meine dat, zijj allein mer wèrreke veur de kos
...Mè dao inins, dao kreeg iech 't te pakke:
'ch Mòs weg, de deur oet nao Uuch
Heij in de kerrek, heij bei eur beeld!...
Jè noe bin iech heij, en ierlijk gezag
Wat kom iech doen, wat wouw iech eigelik zegge.
Och iech kom zoemer e präötsje met Uuch hawwe:
Veer vrouwe hōbbe toch altied get te vertelle,
En zeker, es te moojer bis vaan kinder:
Slevrouw: iech weet miech geine raad
Es iech zeen, dat M'n eige kinder de weeg nao de
Kerrek neet mie wete te vinde en ze
Hun eige kinder neet mie laote duipe!
Snap Geer noe veurwat iech heij gekōmme bin...
... Zie-zoo, noe bin iech veerdig met vertelle en
Geer...
Geer zèkt wel niks, mèh luustert wel
En kiekt miech aon mèt ene glimlach
Zoe mètlevend es mien nam dat deeg
Toen veer haor bezeuke ginge, vreuger op Klevarie.
...Wach eve, iech blief nog eve stoon
En steek ene boezjie aon mèt 'n aander die al
brant.
Ziezoo Slevrouw, noe veul iech miech weer gaans
op mie gemaak en gaon daan ouch nao hoes touw.
Ich bin blijj, dat iech weer 'ns heij gewees bin,
Mè iech kom gaw trök...euver 'e paar daog.
Vōl komplemente aon Jesus
Eure Zoon en uzze Slivvenier: daag en Adieu.